

## **S A D R Ź A J**

### **I-DEFINICIJA TERMINA**

### **II-OPĆE ODREDBE**

Pravni status

Član 1.

Član 2.

### **III-NAZIV,SJEDIŠTE I OBILJEŽJA**

Član 3

Pravni subjektivitet, jezici i obaveze/obveze

Član 4.

Neutralnost i nediskriminacija

Član 5.

Pravila igre

Član 6.

Ciljevi i zadaci

Član 7.

### **IV- ČLANSTVO**

Članovi saveza

Član 8

Prijem u članstvo

Član 9.

Zahtjev i procedura za prijem u članstvo

Član 10.

Prava članova

Član 11.

Obaveze članova

Član 12.

Istupanje i prestanak članstva ,raspuštanje članova i gubitak članskog statusa

Član 13.

### **V-POČASNI PREDSEDNIK I POČASNI ČLANOVI**

Član 14.

### **VI-ORGANIZACIJA**

Organi, tijela i nezavisnost

Član 15.

Uslovi za status člana organa i tijela NS HNK/Ž

Član 16.

### **VII-SKUPŠTINA**

Član 17.

Članovi Skupštine

Član 18

Član 19.

Delegati na Skupštini

Član 20.

Kvorum prisustva Skupštini

Član 21.

Nadležnost Skupštine

Član 22.

Sazivanje, predlaganje članova i kandidature

Član 23.

Vanredna/Izvanredna Skupština

Član 24.

Izbor kandidata za IO N/FS BIH i NS FBIH

Član 25.

Predsjedavanje Skupštinom

Član 26.

Izbori i glasanje/glasovanje

Član 27

Donošenje odluka

Član 28

Zapisnik

Član 29

### **VIII-IZVRŠNI ODBOR**

Struktura i sastav

Član 30

Kandidature, mandati i zamjene

Član 31

Nadležnost članova Izvršnog odbora

Član 32

Kalendar sjednica i dnevni red

Član 33

Kvorum

Član 34

Donošenje odluka, suspenzija članova IO i pravnih tijela, suspenzija i isključenje članova komisija

Član 35.

Odbor za hitna pitanja Saveza

Član 36

Nadležnost i odlučivanje

Član 37

Predsjednik i Dopredsjednik NS HNK/Ž

Mandat Predsjednika i Dopredsjednika

Član 38

Razrješenje pojedinca ili tijela

Član 39

### **IX-PRAVNA TIJELA**

Član 40

Disciplinska komisija

Član 41

Apelaciona komisija

Član 42

Tužitelj

Član 43.

#### **X-KOMISIJE**

Član 44.

Struktura komisija

Član 45

Sjednice, odluke i druge odredbe

Član 46

#### **XI-SEKRETARIJAT/TAJNIŠTVO(STRUČNA SLUŽBA SAVEZA)**

Član 47.

Član 48.

Član 49.

Generalni sekretar/tajnik

Član 50.

#### **XII-RAČUNOVODSTVO**

Fiskalna godina, proračun

Član 51.

Revizija računovodstva

Član 52.

#### **XIII-FINANSIRANJE SAVEZA**

Član 53.

Član 54.

#### **XIV-TV I MARKETINŠKA PRAVA**

Televizijski i radio prenos

Član 55.

#### **XV-TAKMIČENJA/NATJECANJA**

Takmičenja/Natjecanja na nivou/razini NS HNK/Ž i NS FBiH

Član 56.

Član 57.

Član 58.

Pravila takmičenja/natjecanja

Član 59.

Zabrana udruživanja ili saveza

Član 60.

#### **XVI-DISCIPLINSKA PRAVILA**

Član 61.

Disciplinske mjere

Član 62.

Član 63.

#### **XVII-SPOROVI**

Član 64.

#### **XVIII-ZAVRŠNE ODREDBE**

Važeći zakoni i teritorijalna nadležnost

Član 65.

Materija koja nije obuhvaćena Statutom

Član 66.

Raspuštanje saveza

Član 67.

Primjena

Član 68.

Član 69.

Obaveza prilagođavanja sadašnjih Statuta

Član 70.

Član 71.

Na osnovu Zakona o udruženjima i fondacijama Federacije BiH /Službene novine Federacije BiH broj 45/02 / i člana -----stav-----Statuta NS FBiH ,Skupština Nogometnog saveza Hercegovačko-neretvanskog kantona/županije na sjednici održanoj dana, ----- usvojila je :

# S T A T U T

## NOGOMETNOG SAVEZA

### HERCEGOVAČKO-NERETVANSKOG KANTONA/ŽUPANIJE

#### I - DEFINICIJA TERMINA

- FIFA** - Federation Internationale de Football Association  
/Svjetska nogometna organizacija/
- UEFA** - Union des Associations Europeennes de Football  
/Europska nogometna unija/
- IFAB** - International Football Association Bord  
/Međunarodni nogometni odbor koji donosi Pravila igre/
- N/FS BIH** - Nogometni/Fudbalski savez Bosne i Hercegovine
- NS FBiH** -Nogometni savez Federacije Bosne i Hercegovine
- SAVEZ –NS HNK/Ž** -Nogometni savez Hercegovačko-neretvanskog kantona/županije
- KLUB-ČLAN** -Osnovna nogometna organizacija udružena u NS HNK/Ž
- ZBOR TRENERA** -Nogometni treneri na području Saveza
- ZBOR SUDACA, DELEGATA-KONTROLORA SUĐENJA I**  
-Nogometne sudije,kontrolori sudjenja i delegati na području saveza
- NOGOMETNA REPREZENTACIJA**-Nogometna reprezentacija na području NS HNK/Ž
- DUŽNOSNIK** -Svaki član komiteta ili komisije i pojedinci kao što su glavni sudci,pomoćni sudci,treneri i drugi pojedinci odgovorni za tehnička,administrativna i zdravstvena pitanja u NS HNK/Ž,ligama ili klubovima
- IGRAČ** -Svaki igrač registrovan u skladu sa FIFA-inim odredbama
- ORGANIZIRANI NOGOMET**- Nogomet koji je pod kontrolom FIFA-e i koji se organizira u skladu sa Pravilima igre
- SKUPŠTINA** -Najviše zakonodavno tijelo NS HNK/Ž
- IZVRŠNI ODBOR** -Izvršni organ NS HNK/Ž
- REDOVNI SUDOVI** -Redovni sudovi u HNK-Ž i Federaciji BiH koji rješavaju sporove u skladu sa nadležnošću propisanom Ustavom HNK-Ž i Federacije BiH i drugim zakonima HNK-Ž i Federacije BiH
- ARBITRAŽNI TRIBUNAL**-Nezavisni i nepristrani arbitražni tribunal koji su osnovale pravne i fizičke osobe i koji djeluje umjesto redovnog suda u okviru djelokruga rada i nadležnosti,osnovan u skladu sa državnim zakonima Bosne i Hercegovine
- CAS** -Sud za arbitražu u sportu u Lozani /Švicarska/
- NAPOMENA** -Termin koji se odnosi na fizičke osobe važi za oba gramatička roda-spola, a svaki termin u jednini važi i za množinu i obratno

## **II. OPĆE ODREDBE**

### **Pravni status**

#### Član 1.

Nogometni savez Hercegovačko-neretvanskog kantona-županije /u daljem tekstu Savez/je sportska udruga od javnog interesa u obliku dobrovoljnog udruživanja pravnih osoba na području Hercegovačko-neretvanskog kantona-županije radi unapređenja i ostvarivanja zajedničkog ili općeg interesa ili cilja u oblasti nogometnog sporta u koje su ravnopravno udruženi nogometni klubovi /u daljem tekstu :članovi Saveza/u skladu sa Ustavom i Zakonom a čija osnovna svrha nije sticanje dobiti.

Savez je nevladino, nepolitičko i nestranačko nezavisno sportsko udruženje od javnog interesa u Hercegovačko-neretvanskom kantonu-županiji u cilju unapređenja i razvoja nogometa u ovom kantonu-županiji , Federaciji BiH i BiH.

Savez je po svom karakteru ,organizaciji i ciljevima samostalna nogometna asocijacija na nivou Hercegovačko-neretvanskog kantona-županije sa zadatkom da unapređuje nogometni sport a u skladu sa ovim Statutom, odlukama Skupštine i Izvršnog odbora kao i Statutima Nogometnog saveza Federacije BiH i Nogometnog/Fudbalskog savez BiH, FIFA-e i UEFA-e.

#### Član 2.

Ovim Statutom a u skladu sa Zakonom uređuju se sljedeće oblasti i odredbe:naziv,sjedište i obilježja Saveza,skraćenom nazivu,adresi,ciljevima udruženja i pravima i obavezama članova Saveza ,organima udruženja,ovlašćenjima,pravilima glasanja ,korištenju i raspolaganju sredstava,javnosti rada,zastupanju,rješavanju sporova,prestanku rada i raspolaganju imovinom,izvorima finansiranja Saveza,izmjenama i dopunama Statuta,stupanju na snagu Statuta i drugim pitanjima.

## **III. NAZIV, SJEDIŠTE I OBILJEŽJA**

#### Član 3.

1. Naziv sportskog udruženja je:Nogometni savez Hercegovačko-neretvanskog kantona-županije-Nogometni savez Hercegovačko-neretvanske županije/kantona--skraćeno: NS HNK/Ž-NS HNŽ/K
2. Sjedište saveza je u Mostaru, ul.Ante Starčevića 36
3. Savez ima znak, zastavu i pečat
4. Zastava saveza je žute boje.U sredini zastave je znak Saveza okruglog oblika.
5. Znak Saveza je okruglog oblika plave boje.Po ivici kruga je velikim slovima ispisan naziv saveza.U sredini znaka je nogometna lopta a preko lopte su ucrtane granice kantona-županije.
6. Pečat Saveza je okruglog oblika prečnika 30 mm/3 cm/ i ima natpis i sve ostalo kao na znaku Saveza.

## Pravni subjektivitet, jezici i obaveze

### Član 4.

1. Savez ima svojstvo pravne osobe koje stiče danom upisa u registar udruženja skladno Zakonu ,pravima i obavezama utvrđenih Zakonom i ovim Statutom
2. Savez se upisuje u registar udruženja koje vodi Ministarstvo pravosuđa i uprave HNK-Ž u skladu sa Pravilnikom o registraciji udruženja građana i fondacija Bosne i Hercegovine
3. Savez za preuzete obaveze odgovara vlastitom imovinom
4. Savez ima svoj žiro račun
5. Službeni jezici Saveza utvrđeni su Ustavom Federacije BIH uz upotrebu latiničnog i ćiriličnog pisma
6. Savez je udružen u Nogometni savez Federacije BIH i N/FS BIH
7. Savez ima sljedeće dužnosti:
  - a) da u potpunosti poštuje Statut, propise, direktive i odluke tijela N/FS BIH, NS FBIH kao i odluke CAS-a donešene po žalbi na osnovu Statuta N/FS BIH
  - b) da sudjeluje u takmičenjima koja organizuje N/FS BIH i NS FBIH/ako je primjenjivo/
  - c) da plaća članarinu i druge naknade kako to definiše N/FS BIH i NS FBIH
  - d) Savez, članice, pridruženi članovi, klubovi, igrači, treneri, službene osobe i drugi putem svojih statuta, licenci, registracija ili nekog drugog pisanog dokumenta obavezuju se:
    - I pridržavati se Statuta, propisa, direktiva FIFA-e, UEFA-e, N/FS BIH, NS FBIH, NS HNK/Ž kao i odluka drugih tijela
    - II poštivati principe lojalnosti, integriteta, sportskog duha i fair-playa
    - III poštivati Pravila nogometne igre koja je izdao IFAB ili Pravila igre za mali nogomet i nogomet na pijesku, koja je izdao Izvršni komitet FIFA-e
    - IV priznavati CAS kao nezavisni i nepristrani arbitražni tribunal za državna i međunarodna pitanja kako je to definisano Statutom N/FS BIH kao i Statutima FIFA-e i UEFA-e te prihvatiti sve odluke CAS-a
    - V izbjegavati svaki oblik diskriminacije kako je definisano članom 5 Statuta N/FS BIH
    - VI da izvršno tijelo bude slobodno izabrano te da ostala statutarna tijela budu birana ili imenovana na nezavisan način bez uticaja trećih osoba
    - VII delegati ili zamjenski delegati za Skupštinu N/FS BIH i NS FBIH imaju obavezu i dužnost prisustvovati redovnoj ili vanrednoj Skupštini N/FS BIH i NS FBIH
    - VIII osigurati da izabrani ili imenovani članovi ili zamjenski članovi nekog statutarnog tijela N/FS BIH i NS FBIH imaju dužnost i obavezu da prisustvuju sastancima na koje su pozvani
    - IX da klubovi sve svoje odluke mogu donositi bez uticaja trećih osoba i bez obzira na korporativnu strukturu koju je klub izabrao te uzimajući u obzir propise o zaštiti integriteta takmičenja
      - e) da svoje poslove vode neovisno i da osiguraju da njihovi poslovi nisu pod uticajem trećih osoba
      - f) da održe izbornu Skupštinu u istoj godini kad i NS FBIH a između 30 i 90 dana prije izborne Skupštine NS FBIH

- g)osigurati da je mandat predsjednika maksimalno četiri godine
- h)da poštiva i unapređuje jedinstvo N/FS BIH i NS FBIH
- i) da ne održava bilo kakve kontakte sa savezima članovima FIFA-e i UEFA-e bez prethodnog odobrenja N/FS BIH, isto vrijedi za savez koji je suspendovan ili isključen iz FIFA-e uključujući i pridružene članove
- j)da se pridržava svih drugih dužnosti koje proizilaze iz Statuta N/FS BIH i NS FBIH i drugih propisa
8. NS HNK/Ž se obavezuje da će usko sarađivati sa N/FS BIH i NS FBIH u cilju razvoja i unapređenja nogometa na svim nivoima kao i na organizaciji takmičenja na nivou N/FS BIH i NS FBIH.
9. N/FS BIH organizuje završna takmičenja državnih prvenstava za seniorski i omladinski nogomet kao i državna KUP takmičenja i finalna takmičenja u različitim kategorijama omladinskog, ženskog i malog nogometa te kup regija.Sva preostala takmičenja u Federaciji BIH u nadležnosti su NS FBIH. NS FBIH odlučuje koje će takmičenje ustupiti u nadležnost NS HNK/Ž
10. Savez ima prava i obaveze koje proizilaze iz takmičenja koja su u njegovoj nadležnosti.U skladu sa propisima N/FS BIH i NS FBIH ima obavezu da:
- a)registruje klubove i pojedince/igrače,trenere,sudije i zvaničnike/i vodi o njima evidenciju
- b)odobrava stadione i druge nogometne objekte koji su smješteni na području NS HNK/Ž
- c)N/FS BIH i NS FBIH pruža sve informacije na njihov zahtjev
11. Savez može prethodno navedena prava i dužnosti dodijeliti u nadležnost nižim organizacijskim strukturama uz saglasnost N/FS BIH.

## **Neutralnost i nediskriminacija**

### Član 5.

1. NS HNK/Ž neutralan je u političkim i vjerskim pitanjima
2. Diskriminacija bilo koje vrste ,protiv neke zemlje,privatne osobe ili skupine ljudi, na osnovu etničkog porijekla,pola,jezika,politike ili bilo kojeg drugog razloga strogo je zabranjena i može se sankcionisati suspenzijom,isključenjem ili drugim disciplinskim mjerama

## **Pravila igre**

### Član 6.

1. NS HNK/Ž i svaki njegov član igraju organizirani nogomet u skladu sa Pravilima igre koje je izdao IFAB ili sa Pravilima igre za mali nogomet i nogomet na pijesku koje je izdao Izvršni komitet FIFA-e
2. Samo IFAB ili Izvršni komitet FIFA-e mogu propisati ili izmjeniti odgovarajuća Pravila igre.



## Ciljevi i zadaci

### Član 7.

#### 1. Ciljevi Saveza su sljedeći:

- a) Da se bavi svim pitanjima koja se odnose na nogomet na području NS HNK/Ž, NS FBiH i N/FS BiH
- b) Predstavljanje i zastupanje nogometa HNK-Ž u organima i tijelima NS FBiH i N/FS BiH
- c) Da rukovodi svim tipovima nogometa, razvija ih i unapređuje na svim nivoima i na cijelom području NS HNK-Ž i šire u skladu sa ovim Statutom
- d) Da rukovodi takmičenjima/ koja su u njegovoj nadležnosti, razvija ih i unapređuje na svim nivoima i na cijelom području HNK-Ž i šire
- e) Da održava kontakte i saraduje sa N/FS BiH i NS FBiH kao i sa nogometnim savezima koji su njegovi članovi
- f) Da organizuje utakmice nogometnih reprezentacija Saveza
- g) Da stvara i poboljšava uslove za aktivno bavljenje nogometom, organizovanje nogometnih škola, tečajeva i takmičenja
- h) Da unapređuje stručni rad u nogometu, osposobljava kadrove (trenere, suce, kontrolore suđenja, delegate, liječnike, masere fizioterapeute i sl..)
- i) Koordinira rad nogometnih klubova, stručnih organizacija /trenera, sudija/ u izradi plana i programa rada
- j) Štiti i poštuje prava i interese svojih članova i rješava sporove među njima
- k) Unapređuje nogomet u duhu mira i fair-playa bez diskriminacije po političkom, polnom, vjerskom i rasnom osnovu
- l) Poštuje principe privrženosti, integriteta i sportskog duha u skladu sa principima fair-playa
- m) Obavlja i druge poslove i zadatke koji su mu povjereni Statutom i Zakonom o sportu i drugim propisima i pravilima.

#### 2. Kao dio gore definisanih ciljeva Savez je odgovoran da:

- a) Rukovodi svim takmičenjima/natjecanjima na području HNK-Ž koja su mu data u nadležnost odlukom Skupštine NS FBiH i definiše i određuje uslove njihove organizacije
- b) Određuje opće organizacijske i administrativne principe za nogomet u HNK-Ž
- c) Donosi programe i pravilnike školovanja i stručnog usavršavanja kadrova za rad u nogometu u HNK-Ž posebno u saradnji sa N/FS BiH i NS FBiH
- d) Sudjeluje po odobrenju N/FS BiH na međunarodnim takmičenjima/natjecanjima te u skladu sa tim organizuje i vodi sve reprezentacije HNK-Ž

- e) Održava redovne kontakte sa N/FS BiH i NS FBiH te po potrebi predlaže svoje predstavnike u tijela tih organizacija
- f) Određuje ovlaštenja koja se dodjeljuju ligama ili bilo kojem udruženju klubova na nivou Saveza kao i njihova prava i obaveze. Statuti i Pravilnici svakog takvog udruženja podliježu odobrenju Saveza
- g) Osigurava izvore novčanih sredstava za finansiranje nogometnog sporta a Savez svoju djelatnost ne smije obavljati radi sticanja dobiti. Ako u obavljanju svoje djelatnosti NS HNK/Ž ostvari dobit ona se mora koristiti za unapređenje i djelatnost Saveza kojima se ostvaruju zadani ciljevi Saveza.
- h) Obavlja i druge poslove i djelatnosti određene Zakonom, Statutom i Pravilnicima Saveza.

## **IV. ČLANSTVO**

### Član 8.

1. Članovi saveza su svi klubovi velikog, malog i ženskog nogometa sa područja HNK-Ž, koji su primljeni u njegov sastav i od njega priznati a u skladu sa ovim Statutom i Statutima NS FBiH i N/FS BiH.
2. Članovi Saveza mogu biti i asocijacije klubova, kao i pojedinaca (treneri, sudije i dr.), ukoliko ispunjavaju uvjete iz ovog Statuta.
3. Nogometni klub je osnovna nogometna organizacija Nogometnog saveza HNK-Ž koja se udružuje u Nogometni savez NHK/Ž, te ima status pravne osobe.
4. Nogometni treneri na području Saveza čine Zbor nogometnih trenera Saveza. Zbor nogometnih trenera Saveza određuje svoje predstavnike u Komisiju trenersko-stručno-tehničku Saveza, NS FBiH i N/FS BiH.
5. Zbor nogometnih trenera Saveza i Komisija trenersko-stručno-tehnička NS FBiH i N/FS BiH utvrđuje program i plan školovanja trenerskog kadra, organizuje tečajeve, stručna predavanja, unapređuje stručno-pedagoški rad, vodi evidenciju članova nogometnih trenera, surađuje sa zdravstveno-stručnim organizacijama iz oblasti nogometa, te obavlja i druge poslove i zadatke koji im se povjere odlukom Saveza.
6. Nogometni suci i kontrolori suđenja na području Nogometnog saveza HNK-Ž čine Zbor sudija, kontrolora suđenja i delegata saveza.
7. Zbor nogometnih sudija, kontrolora suđenja predlaže i određuje svoje predstavnike u Komisiju za sudce i suđenje NS FBiH i N/FS BiH.
8. Zbor nogometnih sudija i kontrolora suđenja i delegata i Komisija, djeluju u pravcu omasovljenja i unapređenja kvaliteta nogometnih sudaca i suđenja i obnašanja dužnosti kontrolora suđenja i delegata, ostvarivanja jedinstvene promjene PNI, prati i proučava PNI, analizira suđenje, organizuje tečajeve, razne edukacije, instrukcije, daje prijedloge liste sudija, kontrolora suđenja i delegata, vodi evidenciju sudija i ostalih službenih osoba, daje stručno mišljenje u povodu žalbi klubova kada je u pitanju materijalna povreda Pravila nogometne igre, te obavlja i druge poslove i zadatke koji su mu povjereni u nadležnosti odlukom Saveza.
9. Zbor trenera i Zbor sudija, kontrolora suđenja i delegata koji djeluju na području Saveza formiraju svoje organe koji upravljaju tim organizacijama.

10. Natjecanja nogometnih klubova na području Saveza provode se u sljedećim kategorijama igrača: 1. Odrasli-seniori (seniorke), 2. Mlađi uzrast: a) juniori, b) kadeti, c) pioniri, d) predpioniri. Igrači (ce) mogu imati status amatera ili neamatera.
11. Nogometne reprezentacije Nogometnog saveza NHK-Ž, klubovi i djelatnici predstavljaju nogometni sport na području HNK-Ž, Federacije BiH, Bosne i Hercegovine i inostranstvu.

## Prijem u članstvo

### Član 9.

1. Skupština Saveza na osnovu preporuke Izvršnog odbora NS HNK/Ž prima u članstvo, vrši suspenziju ili isključenje iz članstva bilo kojeg člana Saveza,
2. Svaka pravna osoba koja želi postati član NS HNK/Ž mora se pismeno obratiti Sekretarijatu koji podnosi isto tako pismeni izvještaj Izvršnom odboru
3. Zahtjev sadrži:
  - a) jedan primjerak zakonski važećeg Statuta i propisa, dokument o osnivanju i dokaz o registraciji kod nadležnog državnog organa
  - b) izjavu da se podnosilac zahtjeva obavezuje da će poštivati Statut, propise, direktive i odluke NS HNK/Ž, NS FBiH, N/FS BiH, FIFA-e i UEFA-e te osigurati da ih poštuju i svi njegovi članovi, klubovi, službene osobe, igrači i treneri
  - c) izjavu da će sve domaće utakmice igrati na teritoriji Bosne i Hercegovine
  - d) izjavu da je podnosilac prijave saglasan da se pridržava važećih PNI koje je objavio IFAB kao i Pravila igre za mali nogomet i nogomet na pijesku koje je objavio Izvršni odbor FIFA-e
  - e) izjavu da priznaju nadležnost Arbitražnog suda (CAS) u Lozani (Švicarska) kako je navedeno u relevantnim odredbama Statuta FIFA-e i Statuta UEFA-e
  - f) izjavu da je saglasan da će u posljednjoj instanci svi sporovi domaćeg karaktera koji proizilaze ili su vezani za primjenu Statuta NS HNK/Ž, propisa, direktiva ili odluka donesenih na osnovu tog Statuta ili vezanih za bilo kakav ugovor, prosljeđivati na isključivu nadležnost nezavisnog i nepristrasnog arbitražnog tribunala, konkretno CAS-a u Lozani kako je to navedeno u relevantnim odredbama Statuta FIFA-e, UEFA-e, N/FS BiH, NS FBiH i NS HNK/Ž, dok se zakonodavstvom BiH ne uspostavi odgovarajući arbitražni tribunal, koji zadovoljava minimalne zahtjeve FIFA-e i UEFA-e. CAS će donositi konačna rješenja sporova bez redovnih sudova, osim ako to nije eksplicitno zabranjeno važećim zakonodavstvom Bosne i Hercegovine
  - g) izjavu kojom pokazuje da zakonski sastav podnosioca zahtjeva za članstvo u NS HNK/Ž bez obzira na svoju pravnu strukturu garantuje da je u stanju sve svoje odluke donositi neovisno od bilo kojeg vanjskog tijela
  - h) dosije koji sadrži detalje o organizacijskoj strukturi podnosioca zahtjeva /npr. broj klubova, igrača, službenih osoba, sudaca, trenera, imovine, tijela .../
  - i) listu svojih djelatnika navodeći one koji su ovlašteni potpisnici sa pravom izvršenja pravno obavezujućih sporazuma sa trećim stranama
  - j) izjavu da se podnosilac zahtjeva slaže da će organizovati i sudjelovati u prijateljskim utakmicama samo uz prethodnu saglasnost NS HNK/Ž

k) primjerak zapisnika sa posljednje Skupštine podnosioca zahtjeva ili sa osnivačkog sastanka

l) izjavu da će podnositelj zahtjeva osigurati da se njegovi članovi pridržavaju zahtjeva navedenih u tačkama od b-g, putem statuta, registracije, licence ili nekog drugog pisanog i potpisanog dokumenta

4. Kandidati također trebaju priložiti kopiju Statuta, Odluku o konstituisanju i dokaz o registraciji kod nadležnog državnog organa

5. Kandidat za članstvo u NS HNK/Ž obavezan je učestvovati na takmičenjima unutar Saveza

6. Asocijacije pojedinaca moraju svoje aktivnosti organizovati na cijelom području NS HNK/Ž i to navesti u svojoj prijavi

7. Asocijacije ili skupine klubova moraju dati izjavu da nijedna pravna ili fizička osoba nema kontrolu nad više od jednog kluba ili skupine kad god bi integritet bilo koje utakmice ili takmičenja mogao biti ugrožen

8. Nogometne sudije, kontrolori suđenja i delegati, treneri i nogometni aktivni udružuju se u komisije pri Nogometnom savezu HNK/Ž.

## Zahtjev i procedura za prijem u članstvo

### Član 10

1. Skupština usvaja posebne propise koji regulišu proceduru prijema
2. Izvršni odbor preporučuje Skupštini da li da primi li ne primi nekog podnosioca zahtjeva u članstvo
3. Podnositelj zahtjeva može iznijeti Skupštini razloge svoje prijave u članstvo
4. Skupština na osnovu svog punog diskrecijskog prava donosi konačnu odluku o prijavi nekog kandidata za članstvo u NS HNK/Ž. Delegati imaju pravo da glasaju a rezultati glasanja odmah stupaju na snagu.

## Prava članova

### Član 11.

Članovi imaju sljedeća prava:

1.a) da učestvuju u Skupštini NS HNK/Ž, da unaprijed dobiju njen dnevni red, da budu pozvani na Skupštinu u propisanom vremenu te da ostvaruju svoje pravo glasa

b) da daju prijedloge za uključivanje u dnevni red Skupštine

c) da nominuju kandidate u sva tijela NS HNK/Ž

d) da podnose zahtjev za sazivanje vanredne Skupštine

e) da budu obavješteni o poslovima NS HNK/Ž, kroz službena tijela

f) da sudjeluju u takmičenjima i drugim sportskim aktivnostima koje organizuje NS HNK/Ž

g) da ostvaruje sva druga prava koja proizilaze iz Statuta i propisa NS HNK/Ž

2. Ostvarivanje ovih prava podliježe drugim odredbama Statuta i važećih propisa

## Obaveze članova

### Član 12.

1. Članovi imaju sljedeće dužnosti:

a) da u potpunosti i uvijek poštuju Statut, propise, direktive i odluke tijela NS HNK/Ž, NS FBiH i N/FS BiH, kao i odluke CAS-a donešene po žalbi na osnovu ovog Statuta

b) da učestvuju u takmičenjima/natjecanjima koja organizira NS HNK/Ž

c) da plaćaju članarine i druge naknade kako to definiše NS HNK/Ž, NS FBiH i N/FS BiH

2. Članovi, pridruženi članovi, klubovi, igrači, treneri, službene osobe i dr. Moraju:

I – da poštuju principe lojalnosti, integriteta, sportskog duha i fair-playa i garantovati da ih njihovi članovi, klubovi, igrači i službeni predstavnici poštuju kao i da se pridržavaju Statuta NS HNK/Ž, NS FBiH i N/FS BiH

II- da poštuju principe neutralnosti i nediskriminacije u političkim i vjerskim pitanjima u skladu sa čl.5 Statuta N/FS BiH

III- da se pridržava važećih Pravila nogometne igre kako ih je objavio IFAB kao i pravila igre za mali nogomet i nogomet na pijesku koje je objavio Izvršni odbor FIFA-e

IV- da se obavežu Statutom, propisima i direktivama NS FBiH, N/FS BiH, FIFA-e i UEFA-e kao i odlukama donesenim u skladu sa njima, da će se pridržavati istih

V- da priznaje nadležnost CAS-a kako je navedeno u relevantnim odredbama Statuta FIFA-e i Statuta UEFA-e

VI- da sve sporove državnog karaktera koji su rezultat ili proizilaze iz primjene Statuta NS HNK/Ž, NS FBiH i N/FS BiH, propisa i direktiva ili odluka donesenih na osnovu Statuta ili u vezi sa bilo kakvim ugovorom u posljednjoj instanci iznose pred isključivu nadležnost nezavisnog i nepristrasnog arbitražnog tribunala, konkretno CAS-a u Lozani kako je to navedeno u relevantnim odredbama FIFA-inog i UEFA-inog Statuta, dok propisima Bosne i Hercegovine ne bude ustanovljen odgovarajući arbitražni tribunal koji ispunjava i minimalne zahtjeve FIFA-e i UEFA-e. CAS će davati konačna rješenja takvih sporova bez sudjelovanja redovnog suda, osim ako to eksplicitno nije zabranjeno važećim zakonodavstvom u Bosni i Hercegovini.

3. Članovi se obavezuju da će usko saradivati sa Savezom u cilju razvoja i unapređenja nogometa na svim nivoima kao i na organizaciji takmičenja na području NS HNK/Ž. Savez organizuje prvenstva i KUP na nivou HNK-Ž i podupire druga takmičenja

4. Članovi se obavezuju izbjegavati svaku diskriminaciju po političkom, polnom, vjerskom i rasnom osnovu te formiraju razne interesne skupine koje će raditi na jedinstvu nogometa u HNK-Ž

5. Članovi se obavezuju poštivati i unapređivati interes i cjelovitost Saveza

6. Da održavaju Izbornu Skupštinu u istoj godini kad i NS HNK/Ž a između 30-90 dana prije datuma izborne Skupštine NS HNK/Ž

7. Članovi su obavezni poštivati Statut, Pravilnike i odluke Saveza kao i Pravila nogometne igre koje je donio IFAB i da tu odredbu uključe u svoje Statute

8. Članovi moraju da se izvršno tijelo njihove asocijacije bira putem slobodnih izbora i da tu odredbu uključe u njihove Statute u protivnom Savez će odbiti priznati takvo tijelo

9. Da osiguraju da je mandat njihovih predsjednika maksimalno četiri godine

10. Statuti članova sadrže odredbu da je svaki klub koji je član Saveza u mogućnosti da donosi vlastite odluke po svim pitanjima vezanim za svoje članstvo ito neovisno od bilo kojeg

vanjskog dijela. Posebno, Savez mora uputiti svoje klubove da se pridržavaju te obaveze, nezavisno o korporativnoj strukturi koju klub izabere

11. Nije dopušteno da članovi održavaju kontakte sa nogometnim savezima učlanjenim u FIFA-e i UEFA-e bez odobrenja Saveza

12. Da se u potpunosti pridržavaju svih drugih dužnosti koje proizilaze iz ovog Statuta i drugih propisa

13. Ako bilo koji član prekrši navedene dužnosti i obaveze to može dovesti do sankcija predviđenih ovim Statutom. Nadležna Pravna tijela NS HNK/Ž mogu izreći dalje sankcije.

## **Istupanje i prestanak članstva, raspuštanje asocijacije članova i gubitak članskog statusa**

### Član 13.

Član Saveza može istupiti iz članstva na kraju fiskalne godine pod uslovom da o tome obavjesti Skupštinu putem Sekretarijata saveza šest mjeseci unaprijed.

Istupanjem iz članstva Saveza udruženi član gubi status asocijacije koji je ostvario putem Saveza a njegov status člana i prava istovremeno prestaju.

Član može biti isključen iz Saveza, ako:

- a) Ne ispuni svoje finansijske obaveze prema Savezu
- b) Teško i ponovljeno krši Statut, Pravilnike i odluke Saveza,
- c) Ugrožava interese i jedinstvo Saveza,
- d) Izgubi svojstva na osnovu kojih je dobio članski status.

Odluku o prestanku članstva donosi Skupština u skladu sa odredbama člana 21 ovog Statuta. Član mora ispuniti sve svoje finansijske obaveze prema Savezu prije već izgubi članski status. Istupanjem iz članstva prestaju važiti odredbe ovog Statuta za člana Saveza koji istupi iz članstva.

## **V - POČASNI PREDsjedNIK I POČASNI ČLAN**

### Član 14.

Na prijedlog Izvršnog odbora, Skupština može dodijeliti status počasnog predsjednika ili počasnog člana. Taj status dodjeljuje se za posebne zasluge i doprinos u nogometu.

Počasni predsjednici i počasni članovi mogu prisustvovati Skupštini u savjetodavnom svojstvu ali nemaju pravo glasa.

## **VI – ORGANIZACIJA**

## Organi,tijela i nezavisnost

### Član 15.

1. Nogometni savez Hercegovačko-neretvanskog kantona/županije ima sljedeće organe:
  - Skupštinu /zakonodavni organ/
  - Izvršni odbor /izvršni organ/
  - Predsjednik /predstavnički organ/
  - Pravna tijela
  - Generalni sekretar/tajnik/administrativni organ/
2. Nogometni savez Hercegovačko-neretvanskog kantona/županije ima sljedeća konsultativna tijela:
  - Stalne komisije,
  - Ad-hoc komisije
  - Sekretarijat/tajništvo
  - Nezavisnog/neovisnog revizora.
3. Izvršni odbor NS HNK/Ž može stalnim komisijama prenijeti ovlaštenja za odlučivanje kako je definisano u njihovom opisu poslova i zadataka.
4. Svi članovi organa i tijela NS HNK/Ž dužni su se pridržavati FIFA-inog Etičkog kodeksa prilikom obavljanja svojih dužnosti kako je definisano ovim Statutom i relevantnim propisima.
5. Član Izvršnog odbora /uključujući Predsjedništvo i Predsjednika/ne može istovremeno biti član Pravnog tijela,Arbitražnog suda,Sekretar i obratno.
6. Član nekog statutarnog organa NS HNK/Ž nesmije sudjelovati u donošenju odluka po bilo kom pitanju u kojem postoji ili može nastati sukob interesa.
7. Svaki član statutarnog organa ili tijela NS HNK/Ž dužan je prisustvovati svim pravovaljano sazvanim sastancima.Odsustvo bez opravdanog razloga može dovesti do sankcija u skladu sa Disciplinskim pravilnikom N/FS BIH i dodatno dovesti do zamjene tog člana u skladu sa ovim Statutom.  
Glasanje/glasovanje putem opunomoćenika u bilo kom statutarnom organu ili tijelu nije dozvoljeno.
8. Svaki član nekog organa ili tijela NS HNK/Ž ima jedan glas.

## Uslovi za status člana organa ili tijela NS HNK/Ž

### Član 16.

1. Da bi postao kandidat za neki statutarni organ ili tijelo u NS HNK/Ž ta osoba mora ispunjavati sljedeće uslove:
  - a) Biti udružen u NS HNK/Ž ili u neki od njegovih statutarnih članova,
  - b) Biti izabrani ili imenovani član udružen u NS HNK/Ž ili u neki od njegovih statutarnih članova,
  - c) Biti aktivan u nogometu,
  - d) Mora biti državljanin Bosne i Hercegovine i priložiti biografiju/životopis koja sadrži informacije o obrazovanju i profesionalnom iskustvu,

- e) Mora biti stalno nastanjen u Bosni i Hercegovini,
  - f) Ne smije biti suspendovan ili isključen u okviru NS HNK/Ž ili nekog njegovog statutarnog člana,
  - g) Mora podnijeti dokaz da protiv njega ne postoji krivična istraga kao i da nije osuđivan za krivično djelo na bezuvjetnu kaznu dužu od tri mjeseca zatvora,
2. Zahtjevi iz stavki 1e i 1g ovog člana primjenjuju se i na generalnog sekretara/tajnika kao i na druge uposlene u sekretarijatu/tajništvu Saveza. Međutim, Izvršni odbor može kroz organizacijske propise za njih postaviti i daljnje zahtjeve,
  3. Ako osoba tokom svog mandata u NS HNK/Ž prestane ispunjavati jedan od gore navedenih uslova ona automatski gubi status člana organa ili tijela NS HNK/Ž.

## **VII – SKUPŠTINA**

### Član 17.

1. Skupština je najviši organ upravljanja i odlučivanja u Savezu
2. Skupština može zasjedati kao redovna i vanredna/izvanredna,
3. Redovna Skupština zasjeda jednom godišnje, obično u prvoj polovini kalendarske godine
4. Redovna Izborna Skupština zasjeda svake četiri godine.

## **Članovi Skupštine**

### Član 18.

1. Skupština se sastoji od 32 delegata pravovaljano izabrana na Skupštinama članova Saveza,
2. Da prisustvuju Skupštini pozivaju se sljedeće osobe
  - a) Delegati članova NS HNK/Ž,
  - b) Članovi Izvršnog odbora Saveza,
  - c) Počasni predsjednici i počasni članovi NS HNK/Ž,
  - d) Drugi pozvani gosti IO NS HNK/Ž,
3. Samo delegati članova NS HNK/Ž imaju pravo glasa na Skupštini NS HNK/Ž. Sve druge osobe koje prisustvuju Skupštini nemaju pravo glasa.

### Član 19.

Raspodjela glasova je sljedeća:

- a) Delegati članova Saveza imaju po jedan glas i svaki nogometni klub član Saveza ima po jednog /1/ delegata,
- b) Zbor sudija, kontrolora suđenja i delegata NS HNK/Ž daje dva/2/delegata u Skupštinu/kanton-županija/
- c) Ukoliko neki delegat ne dođe na sjednicu Skupštine njega ne može mjenjati niti predstavljati neki drugi delegat,



- d) Ukoliko se broj klubova uveća ili smanji /između dvije sjednice Skupštine/tako da bi Skupština morala brojati više ili manje delegata od 32 ,broj članova se uvećava ili umanjuje za taj broj.

## Delegati na Skupštini

### Član 20.

1. Svaki član NS HNK/Ž /klubovi,zborovi.../dostavlja Sekretarijatu /tajništvu/Sekretaru-Tajniku/listu svojih delegata, koji su pravovaljano izabrani na njihovoj Skupštini.Delegati se biraju najkasnije dva mjeseca prije sjednice Skupštine Saveza,
2. Svaki član Saveza bira jednog /1/ delegata i jednog /1/ zamjenskog delegata Skupštine NS HNK/Ž za mandat od četiri/4/ godine,
3. Mandat delegata u Skupštini traje četiri /4/ godine i počinje da teče od dana verifikacije njegovog mandata na Skupštini a ističe danom verifikacije mandata članova Skupštine novog saziva,
4. Delegat koji nije u mogućnosti da prisustvuje Skupštini iz bilo kog razloga mora se odmah javiti generalnom sekretaru NS HNK/Ž da bi imenovao zamjenu.Nakon obaveznih konsultacija sa sekretarom člana/kluba/ generalni sekretar NS HNK/Ž imenuje zamjenskog delegata nakon što od datog sekretara dobije ažuriranu listu dostupnih zamjenskih delegata.Takav imenovani delegat prisustvuje Skupštini NS HNK/Ž umjesto delegata koji to nije u mogućnosti,
5. Delegati se biraju najkasnije dva mjeseca prije sjednice Skupštine NS HNK/Ž,
6. Na osnovu liste svojih delegata koji su pravovaljano i slobodno izabrani na Skupštinama članica, Skupština NS HNK/Ž bira po četiri /4/ delegata za Skupštine N/FS BIH i NS FBIH na mandat od četiri /4/ godine u skladu sa Pravilnikom o radu Skupštine N/FS BIH i NS FBIH te po dva/2/ zamjenska delegata.

## Kvorum prisustva Skupštini

### Član 21.

1. Skupština zasjeda pravovaljano i ima kvorum ako je prisutna/nazočna  $\frac{3}{4}$  većina od ukupnog broja delegata /trenutno 32 delegata/ i odlučuje  $\frac{3}{4}$  većinom od ukupnog broja članova,
2. U slučaju da nije postignut kvorum u skladu sa stavom 1 ovog člana Skupština zasjeda po istom dnevnom redu narednog dana na istom mjestu i u isto vrijeme.Ovom drugom zasjedanju mora prisustvovati/nazočiti apsolutna većina /50%+1/ od svih delegata da bi se donosile pravovaljane odluke,
3. Ako se ponovo ne postigne kvorum Izvršni odbor NS HNK/Ž saziva novu Skupštinu po istom dnevnom redu u roku od 15 dana.Generalni sekretar/tajnik NS HNK/Ž šalje pozive delegatima.Toj sjednici Skupštine nije neophodna kvorum većina.

## Nadležnost Skupštine

### Član 22.

1. Skupština ima sljedeće nadležnosti:
  - a) Usvaja , mjenja i dopunjuje dnevni red osim u slučajevima iz čl.21 stav 2 i 3 te čl.25 stav 3,
  - b) Bira dva delegata za ovjerivače zapisnika,
  - c) Usvaja Statut Saveza kao i njegove izmjene i dopune,
  - d) Usvaja Poslovnik o radu Skupštine,kao i izmjene i dopune istog,
  - e) Usvaja opis poslova i zadataka pravnih tijela,
  - f) Bira i razrješava predsjednika i dopredsjednika NS HNK/Ž,
  - g) Bira i razrješava članove IO NS HNK/Ž,
  - h) Verifikuje delegate Skupštine,
  - i) Usvaja plan prihoda i rashoda Saveza za tekuću godinu,
  - j) Razmatra i usvaja finansijski izvještaj Saveza,
  - k) Razmatra i usvaja izvještaj o radu IO NS HNK/Ž,
  - l) Usvaja sistem takmičenja na području NS HNK/Ž,
  - m) Usvaja nova i ukida neka po potrebi takmičenja na području NS HNK/Ž,
  - n) Usvaja i razmatra sve programe i planove za takmičenja na nivou Saveza a na prijedlog IO NS HNK/Ž,
  - o) Po potrebi bira radna tijela Skupštine/odbor za glasanje,komisiju za verifikaciju,molbe i drugo.../,
  - p) Dodjeljuje počasno članstvo u Skupštini,
  - q) Razmatra i donosi odluke po drugim pitanjima koja nisu obuhvaćena ovim Statutom a spadaju u djelokrug rada Saveza a na prijedlog predsjedništva Skupštine ili Izvršnog odbora NS HNK/Ž,
  - r) Bira i razrješava pravna tijela Saveza /predsjednika,dopredsjednika,Disciplinsku komisiju,Apelacionu komisiju te tužitelja Saveza,
  - s) Bira po četiri /4/ delegata za Skupštine NS FBiH i N/FS BiH za mandat od 4 godine,i po dva zamjenska delegata,
  - t) Bira kandidate za Izvršni odbor NS FBiH i N/FS BiH/uključujući i zamjenske članove/koji predstavljaju savez, svaki sa po dva kandidata a od 2019 godine najmanje tri kandidata,
  - u) Suspenduje ili isključuje članove ili službene osobe Saveza,
  - v) Učlanjuje članstvo u Savez i vodi evidenciju o istupanju iz Saveza.
2. Sve potrebne materijale po pitanjima koja su u nadležnosti Skupštine Saveza priprema Izvršni odbor preko tijela i Stručne službe Saveza.

## Sazivanje,predlaganje članova,kandidature

### Član 23.

1. Odluku o sazivanju redovne Skupštine donosi IO Saveza ili Odbor za hitnost Saveza na svoju inicijativu ili na inicijativu 1/2 članica Saveza. Izvršni odbor ili Odbor za hitnost utvrđuju dnevni red sjednice,
2. Poziv za održavanje Skupštine/sa prijedlogom dnevnog reda, vremenom i mjestom održavanja i potrebnim materijalima/dostavlja se članovima Skupštine i članovima IO najkasnije 30 dana prije održavanja Skupštine,
3. Članovi Skupštine mogu dostaviti prijedlog za izmjenu i dopunu dnevnog reda sa obrazloženjem i eventualnim materijalima generalnom sekretaru Saveza koji je dužan sa tim upoznati Izvršni odbor i Odbor za hitnost najkasnije 15 dana prije održavanja Skupštine,
4. Dnevni red redovne Skupštine može se mijenjati pod uslovom da se najmanje ¼ delegata prisutnih na Skupštini i sa pravom glasa usaglase sa tim prijedlogom,
5. Prije početka Skupštine, Komisija za verifikaciju, na osnovu izvještaja generalnog sekretara, verifikuje da li delegati redovne Skupštine kao i kandidati za neki organ ili tijelo NS HNK/Ž ispunjavaju sve uslove iz ovog Statuta i Poslovnika o radu Skupštine,
6. Kandidature za izborne funkcije /uključujući njihove radne biografije/moraju biti dostavljene pismenim putem u Sekretarijat /Tajništvo
7. O Saveza najkasnije šest/6/ sedmica prije održavanja Skupštine Saveza.

### **Izbor kandidata NS HNK/Ž za IO N/FS BIH i NS FBIH**

#### Član 24.

1. Skupština NS HNK/Ž bira dva/2/ kandidata /uključujući zamjenskog člana/ za IO NS FBIH po jednog iz kantona i županije/uključujući zamjenskog člana/,
2. Skupština NS HNK/Ž bira dva/2/ kandidata /uključujući zamjenskog člana/ za IO N/FS BIH. Za izbore u N/FS BIH nakon 2019 godine Skupština NS HNK/Ž predlagat će tri/3/ kandidata. Ukoliko je predsjednik NS FBIH iz NS HNK/Ž predlagat će se dva kandidata za izbor zamjenskog člana.

### **Vanredna/Izvanredna Skupština**

#### Član 25.

1. Vanrednu/izvanrednu sjednicu Skupštine saziva IO ili Odbor za hitnost Saveza, na pismeni zahtjev 1/2 članica Saveza, preko većine svojih delegata. Zahtjev mora sadržavati teme za dnevni red i kratko obrazloženje zahtjeva a mora se uputiti generalnom sekretaru Saveza.
2. Ako se pravovaljano zatraži sazivanje vanredne/izvanredne Skupštine ona se mora održati najkasnije u roku od 30 dana. Poziv za Skupštinu i njen dnevni red generalni sekretar/tajnik Saveza mora dostaviti pismenim putem delegatima Skupštine u roku od dvije sedmice,
3. Dnevni red vanredne/izvanredne Skupštine nemože se mijenjati.

## Predsjedavanje Skupštinom

### Član 26.

Redovnom ili Vanrednom/Izvanrednom Skupštinom predsjedava predsjednik a u slučaju odsustva predsjednika Skupštinom predsjedava dopredsjednik Saveza. Ukoliko je i on spriječen Skupštinom predsjedava najstariji član Izvršnog odbora Saveza.

## Izbori i glasanje/glasovanje

### Član 27.

1. Izbori se vrše tajnim glasanjem,
2. Druge odluke donose se aklamacijom sve dok Skupština ne odluči drugačije,
3. Nije dopušteno davanje punomoći za glasanje,
4. Suspendovani članovi ili članovi koji imaju status privremenog nemaju pravo glasa,
5. Da bi bio izabran u prvom krugu glasanja kandidat mora dobiti natpolovičnu većinu izraženih glasova. U drugom krugu glasanja u kojem učestvuju kandidati sa najvećim brojem glasova osvojenih u prvom krugu, kandidat mora dobiti najveći broj glasova,
6. Nevažeci listići, suzdržani glasovi ili drugi neprihvatljivi načini glasanja neće se uzimati u obzir.

## Donošenje odluka

### Član 28.

1. Skupština Saveza odluke donosi 3/4 većinom od ukupnog broja članova Skupštine.
2. Kada Skupština zasjeda u novom sazivanju čl.21 stav 2 i 3 ovog Statuta odluke se donose natpolovičnom većinom glasova prisutnih/nazočnih članova Skupštine,
3. Sljedeće odluke mogu biti donešene samo ako Skupština/redovna ili vanredna-izvanredna/ima kvorum od  $\frac{3}{4}$  većine od ukupnog broja članova Skupštine i ako dobije  $\frac{3}{4}$  većinu glasova od ukupnog broja članova Skupštine:
  - a) Promjena sjedišta Saveza,
  - b) Usvajanju, izmjeni i dopuni Statuta NS HNK/Ž,
  - c) Izbor predsjednika i dopredsjednika Saveza,
  - d) Izmjeni dnevnog reda,
  - e) Usvajanju i izmjeni sistema takmičenja na području NS HNK/Ž,
  - f) Suspendaciji i isključenju člana Saveza,
  - g) Napuštanju-raspuštanju Saveza,

- h) Drugim pitanjima o kojima odluči Skupština.
4. Odluke donešene na Skupštini provode se odmah osim ako Skupština ne odluči drukčije.

## **Zapisnik**

### **Član 29.**

1. Generalni Sekretar/Tajnik odgovoran je za vođenje zapisnika na sjednici Skupštine,
2. Zapisnik sa održane sjednice Skupštine potpisuju ovjerivači zapisnika u roku od dvije sedmice/tjedna od održavanja Skupštine. Zapisnik se dostavlja članovima Skupštine u roku od 30 dana od datuma sjednice Skupštine. Ako Sekretarijat/Tajništvo u roku od dvije sedmice/tjedna ne primi nikakav prigovor zapisnik se smatra prihvaćenim. Svi prigovori dostavljaju se Sekretarijatu/Tajništvu Saveza a o njima će se raspravljati na prvoj narednoj redovnoj sjednici Skupštine i tad će se donijeti konačna odluka.

## **VIII – IZVRŠNI ODBOR**

### **Struktura, sastav**

### **Član 30.**

1. Izvršni odbor je izvršno tijelo Saveza,
2. Izvršni odbor sastoji se od deset/10/članova, među kojim su predsjednik i dopredsjednik, a to su:  
10- članova pravovaljano izabranih na Skupštini Saveza/6 županija-4 kanton/
3. Svaki kandidat za člana Izvršnog odbora potvrđuje svoju volju za člana u ovom organu pred Skupštinom Saveza,
4. Generalni sekretar/tajnik prisustvuje sjednicama Izvršnog odbora,
5. Mandat predsjednika i dopredsjednika kao i članova IO traje četiri godine.

### **Kandidature, mandat i zamjena**

### **Član 31.**

1. Izvršni odbor se bira putem slobodnih izbora,
2. Članovi Saveza predlažu po dva kandidata/uključujući zamjenskog/,
3. Članovi Saveza dužni su generalnom sekretaru/tajniku NS HNK/Ž pismenim putem dostaviti imena kandidata koji su predloženi za Izvršni odbor sa biografijom/životopisom koja mora sadržavati informacije o obrazovanju i profesionalnom iskustvu a najkasnije 25 dana prije održavanja Skupštine Saveza,
4. Mandat članova IO je četiri godine,
5. Svaki član IO može biti ponovo izabran,

6. Ako se pojavi upražnjeno mjesto redovnog člana IO to će mjesto automatski biti popunjeno zamjenskim članom koji predstavlja istu bazu kao odlazeći član a za preostali dio mandata,
7. Taj zamjenski član mjenja odgovarajućeg izabranog člana do sljedeće redovne Skupštine kad će se izabrati zamjena za preostali mandat a u slučajevima:
  - a) Smrti,
  - b) Ostavke,
  - c) Razrješenja,
  - d) Nesposobnosti obavljanja dužnosti zbog bolesti ili nesreće , prema procjeni Izvršnog odbora,
  - e) Automatske zamjene zbog toga što član IO nije prisustvovao sjednicama kako je navedeno u čl.35 stav 6 i 7 Statuta.

## Nadležnost članova Izvršnog odbora

### Član 32.

1. Izvršni odbor :
  - a) Donosi smjernice za rad Saveza i članova Saveza na nivou NS HNK/Ž u svim aspektima vezano za nogomet,
  - b) Donosi odgovarajuće odluke i smjernice vezano za obaveze prema NS FBiH i N/FS BiH, za koje ga ovlašti Skupština NS HNK/Ž,
  - c) Donosi Poslovnik o radu stalnih i ad-hoc komisija Saveza te druge akte koji nisu u nadležnosti Skupštine,
  - d) Donosi prijedlog programa i razvoja nogometa na području NS HNK/Ž i u skladu sa tim daje upute svojim članicama-asocijacijama,
  - e) Utvrđuje prijedlog proračuna-budžeta Saveza i priprema materijale za završni račun i za obračun prihoda i rashoda,
  - f) Donosi kalendar takmičenja/natjecanja na nivou NS HNK/Ž,
  - g) Donosi Pravilnike i Poslovnike sa izuzetkom onih koji su u nadležnosti Skupštine,
  - h) Donosi Propozicije takmičenja/natjecanja na nivou NS HNK/Ž,
  - i) Usvaja listu delegata i ostalih službenih lica na ligama kojim rukovodi a predlaže i liste službenih osoba za liste NS FBiH i N/FS BiH,
  - j) Obrazuje i raspušta stalne i privremene komisije,
  - k) Imenuje predsjednike, dopredsjednike i članove stalnih i povremenih komisija koje su u njegovoj nadležnosti,
  - l) Razmatra i usvaja izvještaj Sekretarijata/Tajništva, stalnih i ad-hoc komisija,
  - m) Imenuje i razrješava generalnog sekretara/tajnika te utvrđuje uvjete za imenovanje generalnog sekretara/tajnika , njegove nadležnosti i ovlasti,
  - n) Nadzire sekretarijat/tajništvo i donosi Pravilnik o sistematizaciji i djelokrugu rada sekretarijata/tajništva Saveza,
  - o) Sprovodi zaključke i odluke Skupštine i brine se o njihovoj realizaciji te Skupštini podnosi izvještaj o radu,

- p) Odlučuje o pravnim lijekovima i vanrednom/izvanrednom ublažavanju disciplinskih kazni klubovima i pojedincima iz svoje nadležnosti i odlučuje o zaštiti Pravilnika po podignutim zahtjevima – vanrednim/izvanrednim pravnim sredstvima,
- q) Usvaja izvještaje svojih organa i obustavlja izvršenje protupravnih akata i ostalih odredbi svojih organa,
- r) Imenuje i razrješava stručne osobe reprezentacija Saveza,
- s) Donosi odluke o nagradama, pohvalama i odlikovanjima,
- t) Donosi odluku o izdavanju službenog glasnika ,određuje visinu taksi i doprinosa za takmičenja/natjecanja u svojoj nadležnosti,
- u) Saziva vanrednu/izvanrednu Skupštinu,
- v) Obavlja i druge poslove za koje ga ovlasti Skupština ili su predviđeni aktima NS HNK/Ž
- z) odlučuje o svim ostalim pitanjima koja nisu u nadležnosti nekog drugog statutarog organa-tijela.

## **Kalendar sjednica, dnevni red**

### Član 33.

1. Izvršni odbor u pravilu se sastaje jednom mjesečno.Sjednicu saziva i njom predsjedava predsjednik.Na zahtjev 1/3 članova IO predsjednik saziva sjednicu IO u roku od deset dana,
2. Članovi IO mogu dostaviti generalnom sekretaru/tajniku teme za dnevni red najkasnije deset dana prije održavanja sjednice,
3. Dnevni red dostavlja se članovima IO sedam dana prije održavanja sjednice.Dnevni red dostavlja generalni sekretar/tajnik,
4. Sjednica IO NS HNK/Ž nije otvorena za javnost.IO može pozvati treće osobe da prisustvuju sjednici.Te osobe nemaju pravo glasa ali mogu izraziti svoje mišljenje uz odobrenje Izvršnog odbora,
5. Generalni sekretar/tajnik prisustvuje sjednicama IO u konsultativnom svojstvu.

## **Kvorum**

### Član 34.

1. Izvršni odbor ima kvorum ako je prisutno/nazočno 8 članova,
2. Ako se ne postigne kvorum Izvršni odbor se mora automatski sastati naredni dan na istom mjestu i u isto vrijeme da bi razmatrao isti dnevni red,
3. Na ponovljenoj sjednici IO ima kvorum ako je prisutno/nazočno 7 članova.

## **Donošenje odluka,suspenzija članova IO i pravnih tijela,suspenzija i isključenje članova komisija**

### Član 35.

1. Izvršni odbor donosi odluke sa najmanje osam/8/ glasova od ukupnog broja članova

2. U ponovljenoj sjednici odluke se donose sa najmanje sedam/7/ glasova,
3. Ukoliko je isti broj glasova odlučuje glas predsjednika ili predsjedavajućeg,
4. Izvršni odbor donosi odluke samo o temama koje su pravovaljano stavljene na dnevni red,
5. Odluke IO provode se odmah, ukoliko IO ne odluči drukčije,
6. Ako član IO NS HNK/Ž ne prisustvuje najmanje na tri uredno sazvane sjednice u toku iste kalendarske godine, IO mora razriješiti takvog člana i zamjeniti ga odgovarajućim zamjenskim članom do naredne Skupštine,
7. Ako član IO napusti uredno sazvanu sjednicu bez opravdanog razloga, IO može na osnovu svog diskrecijskog prava razriješiti takvog člana i zamjeniti ga odgovarajućim zamjenskim članom do naredne Skupštine,
8. Izvršni odbor može suspendirati člana pravnog tijela do održavanja sljedeće Skupštine ako se dokaže da je kriv za teške propuste u obavljanju svojih zadaća ili da je neispravno postupio. Konačnu suspenziju izriče Skupština,
9. Izvršni odbor može suspendirati ili isključiti iz funkcije članove komisija te im imenovati zamjenu do isteka preostalog mandata.

## **Komitet za hitnost**

### Član 36.

1. Komitet za hitnost NS HNK/Ž bavi se svim pitanjima koja traže da budu rješena između dvije sjednice IO,
2. Komitet za hitnost NS HNK/Ž sastoji se od četiri/4/ člana:
  - a) Predsjednika,
  - b) Dopredsjednika
  - c) Dva člana IO, koje imenuju predsjednik i dopredsjednik a od slučaja do slučaja u skladu sa njihovom dostupnošću uz izbjegavanje sukoba interesa,
3. Generalni sekretar/tajnik po zahtjevu predsjednika saziva sastanke Komiteta za hitnost. Ako se sastanak nemože sazvati u odgovarajućem vremenskom roku odluke se mogu donositi drugim sredstvima komunikacije/telefon, fax, elektronska pošta, pismo/,
4. Ako predsjednik ili dopredsjednik nisu u mogućnosti da prisustvuju sastanku ili imaju sukob interesa po određenom pitanju, sastav Komiteta za hitnost se upotpunjuje kroz imenovanje daljnjih redovnih članova IO po redosljedu najviše rangiranog i nepristranog člana ili u slučaju da su samo redovni članovi dostupni po starini,
5. Član IO koji u konačnici ima pravo da imenuje članove Komiteta za hitnost za konkretan slučaj, isto tako i predsjedava umjesto predsjednika,
6. Generalni sekretar/tajnik zadužen je za administraciju Komiteta za hitnost i može prisustvovati sastancima u savjetodavnom svojstvu. Generalni sekretar/tajnik daje administrativnu podršku i vodi zapisnik. Zapisnik podnosi svim članovima Izvršnog odbora u pismenom obliku a najkasnije u roku od tri radna dana.

## **Nadležnost i odlučivanje**

### Član 37.



1. Komitet za hitnost je ovlašten da donosi odluke o hitnim pitanjima koja ulaze u nadležnost Izvršnog odbora,
2. Komitet za hitnost donosi valjane odluke ako svi članovi prisustvuju sastanku ili su na drugi način uključeni u proces odlučivanja. Odluka je valjana ako je podrže tri člana ali se uvijek treba tražiti konsenzus,
3. Ako se ne odluči drugačije, takva odluka odmah stupa na snagu,
4. Na narednoj sjednici IO predsjednik ili predsjedavajući Komiteta za hitnost, obavještava sve članove IO o vijećanju i odlukama kao i o izvršenju istih.

## **Predsjednik NS HNK/Ž**

### Član 38.

1. Predsjednik predstavlja i postupa u ime NS HNK/Ž,
2. On je prvenstveno zadužen za:
  - a) Provođenje odluka koje donese Skupština i Izvršni odbor kao i Komitet za hitnost, kroz Sekretarijat/Tajništvo,
  - b) Osigurava djelotvorno funkcionisanje organa i tijela NS HNK/Ž da bi se ostvarili ciljevi opisani u ovom Statutu i programima koje odobri Skupština ili drugo nadležno tijelo,
  - c) Nadzire rad Sekretarijata/Tajništva,
  - d) Održava odnose između NS HNK/Ž i njegovih članica, NS FBiH, N/FS BiH kao i političkih vlasti i svih drugih organizacija,
3. Predsjednik može predložiti imenovanje ili razrješenje Generalnog sekretara/tajnika,
4. Uz podršku Generalnog sekretara/tajnika, predsjednik i dopredsjednik sazivaju i pripremaju sjednice Skupštine, Izvršnog odbora kao i Komiteta za hitnost kojim predsjednik i predsjedava,
5. Predsjednik koordinira rad Skupštine, Izvršnog odbora i Komiteta za hitnost te prati rad pravnih tijela kao i stalnih i ad-hoc komisija,
6. U slučaju neodlučenog glasanja na IO glas predsjednika je odlučujući,
7. U odsutnosti predsjednika ili njegovoj nemogućnosti da izvršava svoje dužnosti zbog bolesti ili nesreće njegova ovlaštenja i dužnosti preuzima dopredsjednik,
8. Predsjednik i dopredsjednik zajedno sa Generalnim sekretarom/tajnikom imaju pravo da bude ovlašteni potpisnik, osim ako nije drukčije uređeno propisima IO.

## **Dopredsjednik NS HNK/Ž**

### Čl.39

1. Dopredsjednik zastupa i postupa u ime NS HNK/Ž,
2. Održavanje odnosa između NS HNK/Ž i njegovih članica, N/FS BiH, NS FBiH i svih drugih organizacija,
3. Nadzire rad Sekretarijata/Tajništva,

4. Koordinira rad Skupštine, IO, Komiteta za hitnost kao i rad pravnih tijela te stalnih i ad-hoc komisija,
5. Učestvuje u provođenju odluka koje donese Skupština, IO i Komitet za hitnost,
6. U odsutnosti predsjednika ili njegovoj nemogućnosti da izvrši obveze zbog bolesti ili nesreće preuzima njegova ovlaštenja i dužnosti,

## **Mandat predsjednika i dopredsjednika**

### Član 40.

1. Mandat predsjednika i dopredsjednika traje četiri godine
2. Član Izvršnog odbora koji je dobio najviše glasova izabran je za predsjednika a u vezi sa čl.27 stav 5 ovog Statuta,
3. Predsjednik i dopredsjednik moraju biti iz kantona i županije,

## **Razrješenje pojedinca ili tijela**

### Član 41.

1. Skupština može razriješiti pojedinca ili tijelo. Izvršni odbor može razrješenje pojedinca ili tijela staviti na dnevni red Skupštine. Izvršni odbor može privremeno razriješiti pojedinca ili tijelo što odmah stupa na snagu ako je takvo lice počinilo teško kršenje Statuta, propisa ili odluka donešenih na osnovu Statuta ili izvršilo teško krivično djelo. Član IO može podnijeti prijedlog da se takav zahtjev za razrješenje stavi na dnevni red IO ili Skupštine,
2. Zahtjev za razrješenje mora biti opravdan. Šalje se članovima IO NS HNK/Ž zajedno sa dnevnim redom,
3. Dotični pojedinac ili tijelo ima pravo da traži da se oglasi u svoju odbranu. Ako je dotični pojedinac delegat u Skupštini ili član IO nema pravo glasa i tokom procesa glasanja mora napustiti prostoriju,
4. Ako se zahtjev za razrješenje podrži, Skupština ili IO donosi odluku tajnim glasanjem. Da bi se takav zahtjev usvojio potrebna je većina od dvije trećine važećih glasova prisutnih/nazočnih članova,
5. Pojedinac ili tijelo koji su razrješeni/privremeno/moraju se odmah osloboditi svojih dužnosti. Takav pojedinac ili tijelo zamjenjuju se u skladu sa Statutom.

## **IX – PRAVNA TIJELA**

### Član 42.

1. Pravna tijela Saveza su:
  - a) Disciplinska komisija,
  - b) Apelaciona komisija,
  - c) Tužioc ,
2. Članovi pravnih tijela ne mogu istovremeno biti članovi Izvršnog odbora ni bilo koje stalne ili ad-hoc komisije,
3. Predsjednika i dopredsjednika, članove pravnih tijela i njihove zamjenike bira Skupština u skladu sa odredbama ovog Statuta na mandat u trajanju od četiri/4/ godine,
4. Prava i dužnosti svih pravnih tijela, funkcije predsjednika i dopredsjednika će biti utvrđene posebnim organizacionim propisima koje usvaja Izvršni odbor,
5. Nadležnost i način rada kao i druge odredbe o radu pravnih tijela, bliže se regulišu poslovníkom o radu pojedinih pravnih tijela Saveza,
6. Predsjedavajući Disciplinske i Apelacione komisije moraju biti diplomirani pravници,
7. U slučaju spriječenosti, na sljedećoj redovnoj Skupštini Saveza bira se zamjena za preostalo trajanje mandata. U međuvremenu na upražnjeno mjesto imenuje se zamjena od strane Izvršnog odbora saveza,
8. Ako pravovoljano pozvan član izostane sa sastanka bez opravdanog razloga ili ne glasa na dva uzastopna sastanka, Izvršni odbor može privremeno razrješiti tog člana s njegove funkcije. Na prvoj narednoj Skupštini IO će tražiti da se glasa o razrješjenju tog člana. Ukoliko se razrješjenje potvrdi delegati moraju provesti izbore kako bi isti bio zamjenjen za preostali dio mandata,
9. U osnovu sastav pravnih tijela trebaju sačinjavati predsjednik, dopredsjednik i dva člana uz dva zamjenska člana.

## **Disciplinska komisija**

### Član 43.

1. Disciplinska komisija se sastoji od četiri člana uz dva zamjenska člana u cilju izbjegavanja sukoba interesa,
2. Predsjednik i dopredsjednik moraju biti predstavnici kantona i županije,
3. Predsjednika i dopredsjednika kao i članove komisije imenuje Skupština Saveza,
4. Kvorum je postignut kad su prisutna tri člana komisije,
5. Odluke se donose 2/3 većinom od ukupnog broja članova Komisije,
6. U ponovljenoj sjednici koja se mora održati u roku od osam dana odluke se donose 2/3 većinom prisutnih/nazočnih članova,
7. U slučaju jednakog broja glasova odlučuje glas predsjednika ili predsjedavajućeg.

## **Apelaciona komisija**

### Član 44.

1. Apelaciona komisija sastoji se od četiri člana uz dva zamjenska člana u cilju izbjegavanja sukoba interesa,
2. Predsjednik i dopredsjednik moraju biti iz kantona i županije,
3. Predsjednika, dopredsjednika i članove komisije bira Skupština Saveza,
4. Kvorum je postignut kada su prisutna tri člana komisije,
5. Odluke se donose 2/3 većinom glasova od ukupnog broja članova komisije,
6. U ponovljenoj sjednici koja se mora održati u roku od osam dana odluke se donose 2/3 većinom od ukupnog broja prisutnih/nazočnih članova,
7. U slučaju jednakog broja glasova odlučuje glas predsjednika ili predsjedavajućeg,
8. Odluke Apelacione komisije su konačne,
9. Apelaciona komisija rješava sve žalbe na odluke disciplinske komisije, Komisije za takmičenje i prvostepenih odluka takmičarskih i disciplinskih organa liga koje su u nadležnosti NS HNK/Ž, a prema odredbama ovog Statuta i odlukama IO.

## **Tužioci**

### Član 45.

1. NS HNK/Ž ima dva tužitelja koji moraju biti diplomirani pravnici iz kantona i županije,
2. Tužilac zastupa interese NS HNK/Ž u disciplinskim postupcima,
3. Predsjednik NS HNK/Ž i predsjedavajući pravnih tijela mogu zahtjevati da tužilac NS HNK/Ž provede istragu,
4. Tužilac ima pravo uložiti žalbu na odluku Disciplinske komisije i reagovati na odluku Apelacione komisije,
5. Bliže odredbe o pravima i obavezama tužilaca utvrđuju se Pravilnikom o radu tužilaca, koji donosi Skupština Saveza.

## **X – KOMISIJE**

### Član 46.

1. Stalne Komisije su:
  - a) Komisija za takmičenje/natjecanje,
  - b) Finansijska komisija,
  - c) Komisija za sudce i suđenje,
  - d) Stručno trenersko-tehnička komisija
  - e) Komisija za sportsku medicinu,
  - f) Komisija za omladinski nogomet,
  - g) Komisija za ženski nogomet,
  - h) Komisija za mali nogomet,
  - i) Komisija za status igrača,
  - j) Komisija za propise,
  - k) Komisija za stadione i sigurnost,
  - l) Komisija za medije,

2. Izvršni odbor po potrebi može osnivati nove stalne ili ad-hoc komisije radi rješavanja posebnih pitanja,
3. Svaka komisija ima četiri/4/ člana uključujući predsjednika i dopredsjednika,
4. Funkcije predsjednika i dopredsjednika komisije utvrđuju se posebnim organizacionim pravilnikom,
5. Predsjednik i dopredsjednik moraju biti iz kantona i županije,
6. Kvorum je zadovoljen ako su prisutna tri člana komisije,
7. Komisije donose odluke 2/3 većinom ukupnog broja članova,
8. U ponovljenoj sjednici koja se mora održati u roku od osam dana odluke se donose 2/3 većinom prisutnih/nazočnih članova,
9. U slučaju jednakog broja glasova ,odlučuje glas predsjednika ili predsjedavajućeg.

## **Struktura komisija**

### Član 47.

1. Predsjednika, dopredsjednika i članove svake stalne komisije imenuje Izvršni odbor NS HNK/Ž na mandat od četiri godine uz mogućnost ponovnog izbora,
2. Sastav članova stalnih komisija čine predsjednik, dopredsjednik i dva člana uz zastupljenost kantona i županije,
3. Odlukom Izvršnog odbora mogu se formirati i inokosni organi,
4. Izvršni odbor može donijeti odluku da poslove i zadatke iz nadležnosti takmičarskih /natjecateljskih organa obavljaju inokosni organi(komesar za takmičenje, komesar za suđenje, disciplinski sudija..).

## **Sjednice, odluke i druge odredbe**

### Član 48.

1. Predsjednik rukovodi radom komisije. Nakon obavljenih konsultacija sa generalnim sekretarom/tajnikom on zakazuje datum sjednice.
2. Predsjednik je odgovoran da komisija obavlja svoje poslove i da o tome informiše Izvršni odbor i predsjednika a putem blagovremenog dostavljanja zapisnika sa sjednice,
3. Prava ,nadležnosti i način rada komisije utvrđuju se odgovarajućim Pravilnicima i Poslovnica o radu komisija.

## **XI – SEKRETARIJAT/TAJNIŠTVO(stručna služba Saveza)**

### Član 49.

Sekretarijat/Tajništvo obavlja svakodnevne aktivnosti administrativno-finansijsko-takmičarskog karaktera svih oblika, kao i poslove za opsluživanje organa, pravnih tijela i komisija, organizuje svoju stručnu službu – Sekretarijat/Tajništvo Saveza.

#### Član 50.

1. Bliže odredbe o organizaciji stručne službe – Sekretarijata/Tajništva Saveza regulišu se Pravilnikom o radu i organizaciji stručne službe, sa sistematizacijom radnih mjesta i uslovima potrebnim za obavljanje traženih poslova te platama,
2. Pravilnik u smislu prethodnog stava usvaja Izvršni odbor Saveza na prijedlog predsjednika i generalnog sekretara/tajnika,

#### Član 51.

Sekretarijat/Tajništvo je odgovoran za administrativna pitanja kao što su:

- a) Provođenje odluka Izvršnog odbora, stalnih i ad-hoc komisija,
- b) Vođenje računovodstva Saveza,
- c) Pripremanje sjednica Skupštine, Izvršnog odbora, stalnih i ad-hoc komisija,
- d) Vođenje zapisnika na sjednicama Izvršnog odbora, stalnih i ad-hoc komisija,
- e) Kontakti sa javnošću,
- f) Pomoć i podrška članovima Saveza.

## **Generalni sekretar/tajnik**

#### Član 52.

1. Generalni sekretar/tajnik je izvršni direktor Sekretarijata/Tajništva. Imenuje ga Izvršni odbor i zapošljava u Savez na osnovu ugovora o radu,
2. Bliže odredbe o nadležnostima, pravima, obavezama, uslovima za imenovanje i ostalim principima oko njegovog imenovanja i reizbora, utvrđuje Izvršni odbor Saveza svojom odlukom na prijedlog predsjednika Saveza,
3. Prisustvuje sjednicama Skupštine, Izvršnog odbora, Komiteta za hitnost i drugih organa i tijela, učestvuje u raspravama u savjetodavnom svojstvu. U slučaju spriječenosti može imenovati zamjenu,
4. Podnosi Izvršnom odboru izvještaj o poslovanju, šestomjesečnom i godišnjem finansijskom izvještaju Saveza,
5. Odgovoran je za obavljanje svih zadataka u Sekretarijatu/Tajništvu kao i za rukovođenje personalom,
6. Potpisuje odluke iz djelokruga rada Sekretarijata/Tajništva, s tim da ovlaštenje može prenijeti na drugu osobu.

## **XII – RAČUNOVODSTVO**

## **Fiskalna godina, budžet**

### Član 53.

1. Fiskalna godina Saveza počinje 01. januara/sječnja a završava 31.decembra/prosinca,
2. Izvršni odbor Saveza utvrđuje budžetske smjernice ,finansijski plan prihoda i rashoda za tekuću godinu,koje razmatra i usvaja Skupština Saveza,
3. O vanrednim/izvanrednim troškovima koji nisu predviđeni budžetom odlučuje IO Saveza,preko dodatnog kreditiranja.O njima se raspravlja prilikom rebalansa budžeta Saveza,
4. Naredbodavac za izvršenje plana prihoda i rashoda utvrđenih odlukom o budžetu Saveza za tekuću godinu je Generalni sekretar/tajnik Saveza.

## **Revizija računovodstva**

### Član 54.

1. Sektor računovodstva i knjigovodstva obavezan je voditi računovodstvene knjige u skladu sa zakonom kao i podnositi godišnji finansijski izvještaj,koji razmatra i usvaja Skupština Saveza,
2. Skupština Saveza bira neovisnu revizorsku kompaniju,kao revizorsko tijelo,sa kojom se zaključuje ugovor na godinu dana.Moguć je ponovni izbor iste revizorske kompanije,
3. Revizorsko tijelo vrši reviziju obračuna i podnosi pismeni izvještajSkupštini Saveza na razmatranje i usvajanje.

## **XIII – FINANSIRANJE SAVEZA**

### Član 55.

1. Savez se finansira iz sljedećih izvora:
  - a) Kotizacije, članarine i takse (klubova,sudija,trenera,igrača i ostalih službenih osoba),
  - b) Prihoda od izrečenih kazni,
  - c) Ostali prihodi,
2. Sredstva iz prihoda Saveza mogu se isključivo koristiti za razvoj nogometa a u skladu sa ciljevima i zadacima Saveza.

### Član 56.

Savez je obavezan da organizira,vodi knjigovodstvo,finansijske i komercijalne poslove u skladu sa računovodstvenim i finansijskim propisima FBiH i BiH.

## **XIV – TV I MARKETINŠKA PRAVA**

### Član 57.

1. Za utakmice koje su u njegovoj nadležnosti Savez je ekskluzivni nosilac prava za TV i radijski prenos, kao i za bilo koje drugo korištenje i emitiranje putem slike ili zvuka, direktno ili snimkom, u cijelosti ili dijelovima, s tim da klubovi imaju pravo na dio prihoda koji se odnose na domaća klupska takmičenja,
2. Klubovi su nosioci prava iz stava 1 ovog člana za turnire čiji su organizatori klubovi,
3. Izvršni odbor donosi pripadajuće odredbe o primjeni ovog člana.

## **XV – TAKMIČENJA/NATJECANJA**

### **Takmičenja/Natjecanja na nivou HNK/Ž i FBIH**

#### Član 58.

1. Savez je odgovoran za organizaciju takmičenja/natjecanja na području HNK/Ž i Federacije BiH koja mu je u nadležnost prenio NS FBIH. Sve njegove odluke po tom pitanju su konačne osim onih koje su u nadležnosti NS FBIH,

#### Član 59.

Takmičenja/natjecanja Saveza su sljedeća: prvenstvo u muškom velikom i malom nogometu, prvenstvo omladinskih kategorija, kao i KUP takmičenje koje mu je u nadležnost prenio NS FBIH.

#### Član 60.

1. Svako takmičenje/natjecanje ili turnir na području HNK/Ž na međunarodnom, državnom ili međukantonalnom nivou podliježe odobrenju od strane NS FBIH i N/FS BiH,
2. Svako takmičenje/natjecanje organizovano na području HNK/Ž podliježe odobrenju od strane ovog Saveza.

### **Pravila takmičenja/natjecanja**

#### Član 61.

1. Izvršni odbor donosi pravila, propozicije i ostale akte za takmičenja/natjecanja na nivou HNK-Ž i za druga takmičenja/natjecanja koja su u njegovoj nadležnosti,
2. Uslov za učestvovanje u takmičenju/natjecanju je da klub prihvata Statut Saveza, Pravilnike N/FS BiH i NS FBIH i odluke donešene u skladu sa njima.



## **Zabrana udruživanja ili saveza**

### Član 62.

1. Članovi Saveza i njihovi klubovi nemogu formirati udruženje ili savez bez prethodnog odobrenja Skupštine NS HNK/Ž,
2. Klubovi koji su članovi Saveza nemogu bez izričitog odobrenja igrati protiv klubova koji nisu članovi Saveza.

## **XVI – DISCIPLINSKA PRAVILA**

### Član 63.

Disciplinske mjere mogu biti izrečene za nesportsko ponašanje, povredu Pravila nogometne igre i prekršaj Statuta Saveza, pravilnika ili odluka donešenih u skladu sa njima.

## **Disciplinske mjere**

### Član 64.

1. Članovima Saveza mogu biti izrečene disciplinske mjere u skladu sa Disciplinskim pravilnikom N/FS BIH,
2. Vrste disciplinskih mjera su:

#### **I-Za pojedince**

- a) Opomena,
- b) Novčana kazna,
- c) Zabrana igranja određenog broja utakmica ili za određeni period,
- d) Zabrana obavljanja funkcije za određeni period,
- e) Isključenje iz kluba,
- f) Isključenje iz nogometne organizacije.

#### **II-Za klubove i asocijacije**

- a) Opomena,
- b) Novčana kazna,
- c) Zabrana odigravanja utakmica u inostranstvu,
- d) Zabrana odigravanja utakmica na određeno vrijeme, na određenom igralištu ili svim igralištima određenog regiona,
- e) Zabrana igranja sa gledateljima,
- f) Oduzimanje bodova,
- g) Negativni bodovi,
- h) Vraćanje u niži rang takmičenja/natjecanja,
- i) Diskvalifikacija iz takmičenja/natjecanja.

#### Član 65.

1. Pravna tijela su ovlaštena za izricanje disciplinskih mjera,
2. Disciplinske mjere mogu biti izrečene istovremeno vezano za pojedini slučaj.

### **XVII – SPOROVI**

#### Član 66.

1. Članovi Saveza, članovi klubova, klubovi i službena lica Saveza ne mogu sporove koji proističu iz organizacije nogometnog takmičenja/natjecanja, odigranih utakmica kao i druge sporove koji su u nadležnosti organa, tijela i komisija N/FS BIH, nogometnih Saveza entiteta, kantonalnih/županijskih i područnih Saveza, kao i ovog Statuta iznositi pred redovne organe niti mogu voditi sudske i upravne postupke,
2. Svi organi ovog Saveza i svi ostali koji su organizirani i uključeni izravno ili neizravno u nogometne organe na svim nivoima, obvezuju se da svoje sporove iz osnova nogometnog sporta rješavaju pred nadležnim organima nogometne organizacije,
3. Odluka nadležnih organa nogometne organizacije je konačna.

### **XVIII-ZAVRŠNE ODREDBE**

#### **Važeći zakoni i teritorijalna nadležnost**

#### Član 67.

1. U svim slučajevima kada je to potrebno, pored ovog Statuta, Statuta NS FBiH, Statuta N/FS BIH i Pravilnika i Poslovnika organa Saveza, NS FBiH i N/FS BIH, kao i odluka nadležnih organa Saveza, primjenjivat će se prvo odgovarajući Statuti FIFA-e i UEFA-a, propisi i direktive, kao supsidijarni propis, prije primjene zakonodavstva Hercegovačko-neretvanskog kantona/županije, Federacije Bosne i Hercegovine i Bosne i Hercegovine.
2. Postupci koji se provode pred statutarnim tijelima NS HNK/Ž, vode se u skladu sa relevantnim odredbama propisa NS HNK/Ž. Ako ti propisi ne daju odgovor, prvo se primjenjuju odgovarajući Statuti FIFA-e i UEFA-e, propisi i direktive, kao supsidijarni propis, prije primjene Zakona o upravnom postupku HNK-Ž.

#### **Materija koja nije obuhvaćena Statutom**

#### Član 68.

1. Izvršni odbor ovlašten je da odlučuje o svim pitanjima koja nisu obuhvaćena ovim Statutom ili u slučajevima više sile, a u skladu sa pravom i pravdom.

## Raspuštanje Saveza

### Član 69.

1. U slučaju da nastupe okolnosti na osnovu kojih Savez prestaje da postoji, za odluku o raspuštanju Saveza potrebna je  $\frac{3}{4}$  većina članova Skupštine Saveza,
2. U slučaju raspuštanja Saveza nadzor nad imovinom Saveza bit će povjeren NS FBiH, do ponovnog formiranja Saveza. Članovi Saveza imovinu ne mogu dijeliti između sebe.
- 3.

## Primjena

### Član 70.

Ovaj prečišćeni tekst Statuta usvojen na sjednici Skupštine Saveza održanoj -----  
----- godine i primjenjuje se u roku od osam /8/ dana od dana kada ga usvoji Skupština  
Nogometnog Saveza Hercegovačko-neretvanskog kantona/županije.

### Član 71.

Stupanjem na snagu ovog Statuta, prestaje da važi Statut NS HNK/Ž, usvojen na sjednici  
Skupštine NS HNK/Ž dana, 21.03.2002 godine.

## Obaveza prilagođavanja sadašnjih Statuta

### Član 72.

1. Obavezuju se članovi Saveza da svoje Statute usklade sa ovim Statutom najkasnije do 31.03.2012 godine, a druge akte u roku od šest/6/ mjeseci od dana usvajanja prečišćenog teksta ovog Statuta,
2. Svi organi saveza moraju svoje akte, Pravilnike i Poslovnike uskladiti sa ovim Statutom u roku od šest /6/ mjeseci od dana usvajanja prečišćenog teksta ovog Statuta,
3. Do usaglašavanja sa ovim Statutom primjenjivat će se odredbe postojećih Pravilnika, Poslovnika i drugih akata Saveza koji nisu u suprotnosti sa ovim Statutom.
4. Tekst Statuta će se štampati na službenim jezicima Saveza.

Generalni sekretar/tajnik

Mate Brbor

Komiteet za normalizaciju

Ivan Beus -----

Sead Kajtaž -----